

B. N. C  
FIRENZE  
1069  
16

1069.16

XXIV

LVIII

1674







ADVIS SVR  
LA CONDVITE  
DE LA MAISON DES  
PRINCES.



A PARIS,  
Chez JEAN BRUNET, rue saint  
Germain aux trois Pigeons.

M. D. C. XIV.



AD 1257 R







# ADVIS SVR LA CONDVITE de la maison des Princes.



VELQ VES grands biens que possèdent les Princes, s'ils ne reglent leur despense, & n'establissent quelque ordre en la conduite de leurs maisons, il est impossible qu'ils puissent viure commodement & à leur ayse. Car c'est vne chose si necessaire quel'ordre, que par tout ou il regne, tout y abonde, & par tout ou il manque, tout y defaut. Cela s'esproüue en toutes sortes d'affaires, & particulièrement en la direction des finances de la Majesté. ou sitost que l'on s'esloigne des formes prescrites par les ordonnances, aussi tost l'on y trouue de la tare & du manquement. C'est pourquoy si les Princes ont quelque enuie de viure commodement, & sans estre pressez & importunez de mille fascheux affaires, &

pour le dire en vn mot de la necessité, qui est la plus importune chose du monde, il faut qu'au moins vne fois l'annee ils establisent quelque ordre en leur maison, & qu'ils le facent soigneusement obseruer; car en ce faisant ils se mettront l'esprit en repos, & feront que leur despense paroistra beaucoup plus, que si il n'y en obseruoient point; estant bien certain qu'une mediocre despense bien ordonnee paroist beaucoup plus, qu'une grande qui se fait à l'auenture & sans ordre.

Doncques afin d'y en establir quelque vn, la premiere chose qu'ils doiuent faire, cest de considerer quel est leur reueu; en quoy il consiste, & par qui & comment il est administre; car cest le fonds sur lequel ils doiuent faire le dessein de leur despense, & le fondement sur lequel ils doiuent l'assoir.

Ainsi la premiere chose qu'ils doiuent faire, cest de considerer en quoy consiste leur reueu, si c'est en terres & seigneuries, ou en rentes, ou en appointements & pensions de sa Majesté, ou en toutes ces choses ensemble, & s'il y consiste ils le doiuent faire administrer en la forme qui

s'enfuit.

Premierement pour ce qui est des terres & seigneuries, il les faut toutes donner à ferme, & pour ce faire il en faut faire proclamer les baux aux Prônes des Paroisses voisines, par trois ou quatre Dimanches, & en faire mettre des affiches aux portes des Eglises, & autres lieux publics, lesquelles contiennent par le menu toutes les choses qui seront à bailler, à sçauoir tant de terres labourables, tant de prez, tant de bois, tant d'estangs, & le iour, & le lieu & les conditions auxquelles on en fera la deliurance. Puis y enuoyer quelqu'un qui soit fidelle, qui recoiue les encheres, & apres trois ou quatre remises les adiuge à la chandelle esteinte, au plus offrant & dernier encherrisseur, à la chage de donner bonne & suffisante caution, & pour ne se tromper point en la deliurance & adiudication desdits baux, il faut voir les baux de vingt ou trente annees precedentes, voir ce qu'ils montent, puis si les terres sont en mesme estat, ou meilleur qu'elles estoient alors, & si les denrees ne sont point encheries, & augmentees de pris, & suyuant

cela se refoudre du pris auquel l'on veut faire l'adiudication desdits baux.

Or d'autant que la plus part de leurs terres consiste en domaine, & en droicts seigneuriaux il semble qu'il seroit plus a propos de les bailler a la reseruation des droicts seigneuriaux, qu'autrement; pour ce que lesdits droicts estans incertains, comme ils sont, les fermiers n'en haussent gueres le pris de leurs fermes, & neantmoins il y a quelquefois des annees, esquelles ils montent plus que le pris de la ferme, ioinct qu'en les reservant on se reserve aussi le moyen de gratifier & d'obliger quelquefois des gens d'honneur & de merite, & desquels en vn besoin vn Prince peut tirer de bons seruices. Car quoy qu'un Prince donne soigneusement recueillir ce qui luy appartient, neantmoins il ny doit pas estre si exacte, que de preferer tousiours l'utilite à l'honnesteté, & se priver de tout moyen d'obliger les gens de merite, ains quand telles choses arrivent, il en doit tousiours remettre le tiers. Car quand on recognoist qu'un Seigneur, quel qu'il soit, exige entierement les droicts seigneuriaux qui luy peuvent

estre deus, on feint d'acheter les terres qui sont en sa censue, & d'ordinaire on n'y en achete gueres.

Ce neantmoins si pour quelques raisons on les vouloit comprendre dans le pris de la ferme, il faudroit voir ce qu'ils ont monté dix annees auparauint, & de ces dix en faire vne commune, & puis les comprendre au pris de la ferme à raison que ceste annee commune pouuoit monter, ou plus s'il estoit possible. Voyla ce qu'il faut obseruer en l'adiudication desdits baux à ferme. Mais outre cela afin d'euitier au frais des ports & voitures en faisant ladite adiudication il faut obliger les fermiers à porter le pris de leurs fermes aux termes portez par leurs baux au lieu ou le Prince fait ordinairement sa demeure, car ceste charge ne diminuë gueres le pris des fermes, & au contraire, elle est onereuse aux Princes pour les frais des ports & voitures. On y peut encores adiouster d'autres conditions, mais il est impossible d'en prescrire rien de certain, car cela depend tant de la volonté de ceux, à qui appartiennent les terres, que de l'estat de leurs affaires, ou de la fin de quelque

dessein qu'ils peuuent auoir. Voyla de qu'elle façon il faut administrer leur reuenue qui consiste en terres.

Mais quand à celuy qui consiste en rentes, & en appointements, & pensions du Roy, il faut que ce soit leur Thresorier qui en fasse la recete, sous leurs blancs, & en vertu de l'estat qui luy en sera deliuré comme nous dirons cy apres.

Ainsi quand par les baux a fermes de leurs terres, les tiltres de leurs rentes, & les breuets de leurs appointements, & pensions, les Princes auront recognu que peut monter leur reuenue, il faut qu'ils reglent leur despenſe de telle sorte, que s'il est possible elle monte moins que leur recepte, ou qu'à tout le moins, elle ne l'excede point, car si elle l'excede ils seront contrains de faire d'une main l'autre, de venir aux emprunts, & en fin ils se trouueront incommodez. Ce neantmoins il peut arriuer des occasions esquelles quoy qu'ils fassent, ils sont contrains de l'outrepasser, comme s'il arriue que le Roy face quelque grand voyage, auquel l'honneur & leur deuoir les obligent de l'accompagner en bon equipage, ou si leur faut aller ala guerre, & leuer

& leuer des troupes; alors il faut faire du  
 nueux que l'on pent & quand telles des-  
 penses sont cessees, trouuer moyen de les  
 remplacer par espargne, ou autrement  
 Doncques la premiere choses qu'ils doi-  
 uent faire c'est de regler leur despense a rai-  
 son de leur reuenu, & pour ce faire il faut  
 qu'ils reglent leur train, & qu'ils deter-  
 minent de cōbien de personnes ils veulent  
 qu'il soit composé, & combien de cheuaux  
 ils veulent tenir d'ordinaire; Puis de qu'elle  
 façon ils veulent estre traictez quand a  
 leurs personnes, & puis de qu'elle sorte ils  
 veulent que tout le reste de leur maison  
 soit traicté & appointé.

Quand cela est resolu, & que par ex-  
 emple ils ont resolu de qu'elles viandes, &  
 de qu'elle quantité ils veulent que leurs  
 tables & celles de leur train soient seruies,  
 il faut faire marché avecques vn Boulan-  
 ger pour le pain, à sçauoir à raison de tant  
 pour chaque pain pesant tant d'onces. Puis  
 avecques vn Pouruoyeur pour ce qui est  
 des viandes, à raison de tant pour chaque  
 piece de volatile, ou de poisson & de tel-  
 les autres menues viandes, & à raison de  
 tant pour chaque liure de beuf ou de mou-



ton & telles autres grosses viandes. Il faut encores faire le meisme avecques vn Fruictier pour ce qui est du fruit, à sçauoir à raison de tant le cent de tel fruit, ou la liure s'il se vend à la liure: Quand au vin il en faut acheter ou par prouision, ou en faire marché avecques vn marchand à raison de tant pour chaque muid. Pour le bois il en faut pareillement faire marché avecques vn marchand à raison de tant la voye de gros bois, & tant le cent de cotrets, & tant celuy de fagots, & le faire distribuer par le Maistre de fourriere à raison de tant par iour pour chaque chābre. Il faut faire le meisme pour la chandelle. Il faut encores faire le meisme pour le blanchissage du linge, & en faire marché avecques vn blanchisseur ou en gros ou par douzaine, mais il semble qu'il soit plus à propos de le faire en gros.

Quand à la nourriture des cheuaux, il en faut faire marché avecques quelqu'un quil'entreprenne à raison par chascun iour de tant de mesures d'auoyne de telle grandeur, & de tant pelant de foin, & de tant de bottes de paille pour chaque cheual.

Or afin qu'il ne se commette point d'a.



bus en la deliurance de toutes ces denrees,  
 & que les marchants n'y facent point de  
 fourbe, il faut que le Maistre d'hostel, le  
 Controolleur, & l'Argentier, soyent presens  
 lors qu'elles seront deliurees, & que cha-  
 que iour ils en chargent leur escroue, ou  
 bureau, & arrestent la quantite qui en aura  
 este deliuree, tant pour ceste raison, que  
 pour ce, qu'à cause de l'absence de quel-  
 ques domestiques, ou de quelques che-  
 uaux il peut arriuer que la despense sera  
 quelquefois moindre, que de coustume, &  
 que les marchants n'aurent pastantourny  
 ou de pain, ou de bois, ou de vin, qu'ils en  
 fournissent d'ordinaire.

Voyla quand à la despense de bouche.  
 Celle qui suit apres, c'est la despense des ha-  
 bits, que nous pouons nommer argen-  
 terie: or ceste despense n'est regie & reglee  
 que par la volonte & l'humour des Princes,  
 qui s'habillent à leur mode, & comme il  
 leur plaist, Et tout l'aduis que l'on peut  
 donner en cela, cest qu'ils y doibuent de-  
 stiner vne certaine somme, qu'ils n'oultre-  
 passent iamais, & ne faire point leuer de  
 stoffes, que quand & quand ils n'en facent  
 faire le pris, & arrester les parties.

Quand aux habits des Pages, & des valets de pied, d'ordinaire il leur en faut deux par chacun an, vn pour l'huyver, & l'autre pour l'esté, qui sont tous semblables, hors mis la casaque, & la mandile, qui m'âquêt aux habits d'esté. L'on en fait marcher en gros avecques quelque tailleur, où l'on en fait leuer les estoifes, & quoy que l'on face cela n'importe, pouruen que l'Escuyer prenne garde à ce que tout ce qui est contenu au marché, ou aux parties soit fidellement deliuré.

Reste maintenant la despense qui se fait pour les harnois des cheuaux, & tout leur equipage, de laquelle on ne peut rien prescrire de certain, car elle varie selon l'humeur, & la volonté des Princes, seulement l'on peut dire qu'ils la doyuent borner à vne certaine somme, & que l'Escuyer doit prendre garde, à ce que toutes choses y soyent fidellement administrees, & chaque mois arrester les parties des artizans, qui auront fourny ce qui auroit esté nécessaire pour leudit equipage.

Outre toutes ces despenses, il y en a encore vne autre, qui est bien extraordinaire, quand à son employ, mais ordinaire

quand a sa nature, & ceste despense consiste es menus plaisirs des Princes, qui a cest effect ont tousiours vn Argentier aupres d'eux, auquel a ceste fin le Tresorier fournit tous les moys quelque somme.

Volya quand à la despense ordinaire, & quand a l'extraordinaire il s'en fait de plusieurs sortes, comme en festins en habits, en masquarades, tournois, en payement de debtes & frais de procez, desquelles il est impossible de rien prescrire de certain, sinon que l'on peut dire que, pour celle qui consiste en festins, & habits, & autres telles despenses, les Princes en doivent faire faire vn deuis, & par ordonnance mise au pied en commettre l'execution à qui il appartiendra, mais quand à celle qui consiste en payement de debtes l'on peut dire qu'il faut voir de qu'elle nature elles sont, car si ce sont rentes, outre qu'il faut laisser vn fonds pour en payer les arri-  
rages, & les reputer comme despenses ordinaires iusques à tant qu'elles soient rachetees, ils les faut racheter le plus promptement que l'on peut, mais si ce sont debtes mobiliaries, qui ne courent point à interest, Il les faut postposer à celles qui y

courent : Et quand aux frais des procez il faut laisser quelque fonds par estimation pour y subuenir comme de toute autre despēse extraordinaire quel'ō ne peut preuoir, qu'aueuë de pays.

Or pour bien faire tout ce que dessus, il faut en fin de chasque année, faire des reglemens contenant par le menu toutes les despenses que l'on veut faire, comme de quelle quantité de viandes l'on veut que les tables soient seruies, combien l'on veut auoir de cheuaux & autres telles choses, & en faire deliurer vn extraict, à chacun des officiers selon que chacun en a la charge. Mais outre cela il faut faire vn Estat au Thesorier de la maison, contenant par estimation toute la recepte & despense que l'on veut estre faicte en l'année suivante, le chapitre de recepte dudit Estat doit contenir plusieurs articles ou chapitres, le premier est celuy du reuēu des terres & domaines, le deuxiesme des rentes, le troisieme des appointements & pensions du Roy, le quatriesme des droicts casuels & incertains. Puis doit s'yure le chapitre de despense, qui doit pareillement contenir plusieurs articles, ou chapitres, le premier,

la despense de bouche, le deuxiesme la despense des habits, le troisieme les gages des officiers, le quatrieme la despense de l'escurye, le cinquiesme les menus plaisirs & affaires, le sixiesme les debtes & les frais des proces.

Voila sommairement ce qu'il faut faire pour bien regler les maisons des Princes. Mais le tout ne seruira de gueres s'il n'est exocuté par des gens de bien.

FIN.

2

417











MC

